

# Breytingar á þingflokkum milli kosninga frá 1959

## Úttekt

[Þingflokkar](#) gegna mikilvægu hlutverki á Alþingi. Þeir eru vettvangur samherja í stjórnámálum, formenn þeirra eru í senn í áhrifastöðu innan þingsins og í forystusveit þeirra stjórnálahreyfinga sem þeir tilheyra. Og enda þótt í 48. grein stjórnarskrár lýðveldisins segi að alþingismenn séu „eingöngu bundnir við sannfæringu sína og eigi við neinar reglur frá kjósendum sínum“ er hitt víst að stefna og skipulag stjórnáflakka og hlutverk þeirra við framboð til þingkosninga og við skipulagningu og framkvæmd þeirra gerir það að verkum að sterk tengsl verða milli þingmanna, stjórnáflakka og þingflokka. Framkvæmd þingræðis hér á landi, þar sem rík hefð er fyrir því að þingmeirihluti standi að baki ríkisstjórnnum en minnihlutastjórnir eru fágætar, treystir einnig böndin milli þingmanna og þingflokka. Af þessum sökum og ýmsum öðrum telst það jafnan til tíðinda þegar breytingar verða á skipan þingflokka á Alþingi milli þingkosninga en þær hafa allnokkrar orðið á undanförunum áratugum. Hér eru þessar sviptingar raktar frá kjördæmabreytingunni 1959.

Fyrstu árin eftir kjördæmabreytinguna urðu ekki breytingar á skipan þingflokka á milli kosninga og kemur það heim og saman við að flokksagi hafi verið meiri á þeirri tíð en síðar varð. En fleira kemur til. Eðli málsins samkvæmt verða breytingar á þingflokkum þegar stjórnáflakkarinn sem þeir eiga rætur að rekja til kloffna eða hætta starfsemi. Nokkur dæmi eru um þetta frá árabílinu 1959–2021 en aðrar breytingar á þingflokkaskipan stafa af því að þingmenn áttu ekki lengur samleið með þeim flokki sem þeir fylgdu að málum þegar kosid var. Gengu sumir þeirra til liðs við annan þingflokk eftir úrsögn úr þeim fyrri, og er það ærið misjafnt hve langt leið frá úrsögn úr þingflokki þar til þingmaður gekk til liðs við annan þingflokk, en aðrir kusu að starfa utan þingflokka til loka kjörtímabils.

Þegar ekki er annars getið eru upplýsingar um þingflokka og breytingar á skipan þeirra sóttar í hina rafrænu útgáfu Alþingistíðinda á [vef Alþingis](#) og í ritið Þingræði á Íslandi. Samtíð og saga, sem kom út árið 2011, einkum 12. kafla þess sem ber heitið „Samþætting meginvaldþátta ríkisins“ og er eftir Þorstein Magnússon, varaskrifstofustjóra Alþingis.

### 89. löggjafarþing, 1968–1969

[Björn Jónsson](#), [Hannibal Valdimarsson](#) og e.t.v. einnig [Steingrímur Pálsson](#), sem kjörnir voru á þing í alþingiskosningum 11. júní 1967 af framboðslistum Alþýðubandalagsins, virðast ekki hafa tilheyrt þingflokki Alþýðubandalagsins á 89. löggjafarþingi en tilkynntu sig hvorki utan flokka né stofnuðu þeir sérstakan þingflokk á þessu löggjafarþingi.

Eins og frá er greint á [vef Alþingis](#) var stofnað til kosningabandalags, Alþýðubandalagsins, fyrir alþingiskosningarnar sem fóru fram sumarið 1956 af tveimur hreyfingum á vinstri væng stjórnmalanna; hin þriðja, Þjóðvarnarflokkurinn, bættist við síðar. Kosningabandalagið var við lýði til ársins 1968 er það varð að stjórnáflakki með sama heiti. Hannibal Valdimarsson var formaður Alþýðubandalagsins á árabílinu 1956–1968, meðan það var kosningabandalag, en sagði af sér formennsku er því var breytt í stjórnáflakki á landsfundi hreyfingarinnar 1.–3. nóvember 1968.<sup>1</sup> Formbreyting Alþýðubandalagsins var þó ekki ástæða afsagnar Hannibals heldur ágreiningur um stefnu hins nýja flokks og skipan forystu hans.

<sup>1</sup> *Frjáls þjóð* 7. október 1968. Bréf Hannibals Valdimarssonar til landsfundar Alþýðubandalagsins er birt á bls. 3 og 7. Hannibal sagði af sér formennsku í Alþýðubandalaginu í bréfi þessu en sagði sig ekki úr flokknum. Hann mun þó ekki hafa talist til alþýðubandalagsmanna eftir þetta og að líkindum er það þetta bréf hans sem Óskar Guðmundsson kallar „harðorða

Í yfirliti á [vef Alþingis](#)<sup>2</sup> um úrslit þingkosninganna sem haldnar voru 11. júní 1967 segir af framboðsraunum Alþýðubandalagsins sem fólust í því að ekki náðist samkomulag með aðilum kosningabandalagsins um frambjóðendur í efstu sætum á framboðslista þess í Reykjavíkurborgardæmi. Varð það á endanum úr að tveir listar Alþýðubandalagsins voru boðnir fram í Reykjavík, G-listi og I-listi. Efstur manna á hinum síðarnefnda var formaður kosningabandalagsins, Hannibal Valdimarsson. Forsvarsmenn I-listans fóru fram á það við landskjörstjórn að hún heimilaði að I-listinn yrði talinn Alþýðubandalagsframboð og merktur bókstöfunum GG. Þetta vildu aðstandendur G-listans ekki fallast á þar sem listi þeirra hefði verið samþykktur á félagsfundi Alþýðubandalagsfélagsins í Reykjavík og væri hann því eini löglegi framboðslisti kosningabandalagsins en listi Hannibals og félag hans því óviðkomandi. Landskjörstjórn og yfirkjörstjórn Reykjavíkurborgardæmis reyndust ekki samstíga í málinu. Yfirkjörstjórn úrskurðaði að listinn sem Hannibal leiddi skyldi teljast utanflokkaframboð og fá listabókstafinn I. Þessari niðurstöðu breytti landskjörstjórnin og heimilaði að framboðslisti Hannibals fengi listabókstafina GG. Úrskurði landskjörstjórnin var fylgt við kosningafrákvæmd í Reykjavík, þar sem umræddur framboðslisti hafði listabókstafinn I, en þegar kom að úthlutun jöfnunarþingsæta fór landskjörstjórn eftir niðurstöðu sinni og taldi atkvæði greidd I-listanum til Alþýðubandalagsatkvæða. Alþingi staðfesti þá niðurstöðu þegar úrskurðað var um kjörbréf Steingrims Pálssonar, sem kjörinn var af lista Alþýðubandalagsins í Vestfjarðakjördæmi sem 8. landskjörinn þingmaður, og Hannibal Valdimarsson var talinn til þingflokks Alþýðubandalagsins er 88. löggjafarþing hófst haustið 1967.

Fjölmiðlar fluttu af því fregnir við upphaf 89. löggjafarþings,<sup>3</sup> sem sett var 10. október 1968, að þrír þingmenn Alþýðubandalagsins, [Björn Jónsson](#), [Hannibal Valdimarsson](#) og [Steingrímur Pálsson](#) hefðu gert samkomulag við Framsóknarflokkinn um nefndakosningu á Alþingi. Taldi *Þjóðviljinn* að með þessu hefðu þingmennirnir sagt skilið við þingflokk Alþýðubandalagsins og í yfirlýsingu þeirra sem birt var í *Morgunblaðinu*<sup>4</sup> sögðu þingmennirnir að þeir hefðu „ekki sótt fundi þingflokks Alþýðubandalagsins um alllangt skeið“. Enn fremur hafði blaðamaður *Alþýðublaðsins*<sup>5</sup> veitt því athygli að þremmingarnir mættu ekki til fundar í þingflokki Alþýðubandalagsins á fyrsta þingdegi haustsins „frekar en þeir gerðu síðastliðinn vetur, heldur héldu sinn eigin fund“ og því var haldið fram í „Staksteinum“, pólitískum fréttu- og athugasemdadálki *Morgunblaðsins*,<sup>6</sup> að þrír þingmenn Alþýðubandalagsins hefðu ekki sótt þingflokksfundi síðastliðinn vetur [1967–1968] og að flokkurinn hefði verið klofinn allt frá kosningum 1967.

## 90. löggjafarþing, 1969–1970

[Björn Jónsson](#) og [Hannibal Valdimarsson](#), sem kjörnir höfðu verið af framboðslistum Alþýðubandalagsins í þingkosningum 11. júní 1967, greindu forseta Alþingis frá því með bréfi dagsettu 19. desember 1969 að þeir hefðu þann sama dag myndað þingflokk Samtaka frjálslyndra og vinstri manna. Forseti sameinaðs þings tilkynnti þetta samdægurs á þingfundi.<sup>7</sup> Þingmennirnir tveir höfðu ekki átt aðild að þingflokki Alþýðubandalagsins um alllangt skeið þegar hér var komið, sbr. það sem fram kemur hér að framan um þingflokksaðild þeirra á 89. þingi.

## 91. löggjafarþing, 1970–1971

[Karl Guðjónsson](#) sagði sig úr þingflokki Alþýðubandalagsins með bréfi til þingflokksins 27. október 1970. Karl tilkynnti um úrsögnina á fundi í sameinuðu þingi 28. október og var utan flokka þar. til 91. löggjafarþingi var slitið 7. apríl 1971 og þingferli hans lauk.

---

yfirlýsingu þar sem hann [H.V.] sagði formlega skilið við Alþýðubandalagið“ í riti hans *Alþýðubandalagið – áttasaga*, Reykjavík 1987, bls. 141.

<sup>2</sup> Sjá einnig grein Sigurðar Péturssonar um Hannibal Valdimarsson í *Andvara* XLV, 128. árg. (2003), bls. 11–87.

<sup>3</sup> *Þjóðviljinn* 12. október 1968. – *Tíminn* 15. október 1968. – *Morgunblaðið* 15. október 1968.

<sup>4</sup> *Morgunblaðið* 16. október 1968.

<sup>5</sup> *Alþýðublaðið* 11. október 1968.

<sup>6</sup> *Morgunblaðið* 12. september 1968.

<sup>7</sup> *Alþingistíðindi* frá 88. og 89. þingi veita ekki vitneskju um þingflokksaðild þingmannanna Hannibals Valdimarssonar, Björns Jónssonar og Steingrims Pálssonar á þessum þingum en aðrar heimildir benda sterklega til þess að a.m.k. Hannibal og Björn hafi hætt að sækja þingflokksfundi Alþýðubandalagsins þegar á 88. löggjafarþingi og ekki átt afturkvæmt þangað. Vitað er að Hannibal sagði endanlega skilið við Alþýðubandalagið í nóvemberbyrjun 1968 en þess sjást ekki merki í *Alþingistíðindum* að hann hafi þá sagt sig sérstaklega úr þingflokki Alþýðubandalagsins, e.t.v. vegna þess að hann var í raun löngu farinn úr honum. Nýr þingflokkur Samtaka frjálslyndra og vinstri manna sem Hannibal og Björn Jónsson gengu í var þó ekki stofnaður fyrr en 19. desember 1969. Steingrímur Pálsson gekk ekki í hinn nýja þingflokk. Þingsetu hans lauk við lok kjörtímabilsins og slit 91. löggjafarþings 7. apríl 1971.

### 93. löggjafarþing, 1972–1973

[Bjarni Guðnason](#) tilkynnti um úrsögn sína úr þingflokki Samtaka frjálslýndra og vinstri manna í þingræðu (við umræður utan dagskrár) í neðri deild Alþingis 18. desember 1972 og var eftir það utan flokka þar til kjörtímabilinu lauk er 94. löggjafarþing var rofið 9. maí 1974. Bjarni var varaþingmaður á 100., 106. og 108. löggjafarþingi og var hann þá í þingflokki Alþýðuflokksins.

### 105. löggjafarþing, 1982–1983

[Vilmundur Gylfason](#) greindi frá því á þingfundi 18. desember 1982 að hann hefði sagt sig úr Alþýðuflokknum og þingflokki hans þennan sama dag. Vilmundur skýrði jafnframt frá því að í undirbúningi væru ný stjórnálagssamtök, Bandalag jafnaðarmanna, sem hann hygðist eiga aðild að. Vilmundur var utan flokka til loka kjörtímabilsins 22. apríl 1983. Hann var kjörinn á þing af framboðslista Bandalags jafnaðarmanna í þingkosningum 23. apríl 1983 en lést áður en 106. löggjafarþing kom saman 10. október 1983.

### 106. löggjafarþing, 1983–1984

[Ellert B. Schram](#), sem kjörinn var á þing af framboðslista Sjálfstæðisflokksins í Reykjavíkurborgardæmi í þingkosningum 23. apríl 1983, óskaði eftir leyfi frá þingstörfum frá 1. október 1983 með bréfi til forseta Alþingis dagsettu 23. september 1983 sem aldursforseti þingsins las á fyrsta fundi 106. löggjafarþings 10. október 1983.<sup>8</sup> Í bréfi Ellerts til Alþingis dagsettu 10. október 1983 greindi hann frá því að hann yrði fjarverandi frá þingstörfum fram yfir jólaleyfi þingsins. Ellert tilkynnti síðan forseta neðri deildar Alþingis með bréfi dagsettu 23. janúar 1984 að hann yrði í leyfi frá þingstörfum það sem eftir væri af 106. löggjafarþingi og greindi forseti sameinaðs þings frá þessu á fundi í sameinuðu þingi 24. janúar 1984.

Ellert tók að nýju sæti á Alþingi við upphaf 107. löggjafarþings 10. október 1984. Hann sagði sig ekki úr þingflokki Sjálfstæðisflokksins en samkvæmt frétt í *Morgunblaðinu*<sup>9</sup> fór hann fram á það þegar þingheimur kom saman að „þurfa ekki að gegna nefnda- né trúnaðarstörfum“. Féllst þingflokkurinn á þetta og Ellert lýsti sig „óháðan gagnvart ákvörðunum þingflokks og ríkisstjórnar“ en hugðist sækja þingflokksfundum „eftir efnun og ástæðum“. Samkvæmt því sem eftir þingflokksformanni sjálfstæðismanna er haft í sama tölublaði *Morgunblaðsins* og flutti fréttina af stöðu Ellerts gagnvart þingflokki og ríkisstjórn hafði hann ekki sótt þingflokksfundum frá því að 107. þing hófst. Ellert mun ekki hafa sótt þingflokksfundum sjálfstæðismanna það sem eftir lifði kjörtímabilsins.<sup>10</sup>

### 109. löggjafarþing, 1986–1987

[Kristín S. Kvaran](#), sem kjörin var á þing í þingkosningum 23. apríl 1983, af framboðslista Bandalags jafnaðarmanna, gekk í þingflokk Sjálfstæðisflokksins 14. október 1986, daginn eftir setningu 109. löggjafarþings. Forseti sameinaðs þings skýrði frá því á þingfundi 14. október að borist hefði bréf frá þingflokki sjálfstæðismanna, dagsett þennan sama dag, þar sem tilkynnt var að Kristín S. Kvaran hefði tekið sæti í þingflokkinum.

[Guðmundur Einarsson](#), [Kolbrún Jónsdóttir](#) og [Stefán Benediktsson](#), sem kjörin voru á þing í þingkosningum 23. apríl 1983 af framboðslistum Bandalags jafnaðarmanna, gengu í þingflokk Alþýðuflokksins við upphaf 109. löggjafarþings. Forseti sameinaðs þings greindi frá því á þingfundi 14. október, daginn eftir setningu 109. löggjafarþings, að borist hefði bréf frá þingflokki Alþýðuflokksins, dagsett þann sama dag, þar sem tilkynnt var að framangreindir þrír þingmenn væru gengnir í þingflokkinn. Í bréfinu kom fram að vistaskiptin hefðu verið afráðin „nokkru fyrir upphaf þings“. Þingferli þremminganna lauk við lok kjörtímabilsins og slit 109. löggjafarþings 19. mars 1987.

### 111. löggjafarþing, 1988–1989

[Hreggviður Jónsson](#) og [Ingi Björn Albertsson](#) sögðu sig úr þingflokki Borgaraflokksins 13. apríl 1989. Ingi Björn tilkynnti um úrsögnina á fundi í sameinuðu þingi þennan sama dag og greindi þá jafnframt frá stofnun nýs þingflokks, þingflokks Frjálslýndra hægrimanna, sem samanstóð af þeim Hreggviði og Inga Birni og var við lýði til 4. maí 1990 en þann dag tilkynnti Ingi Björn í ræðu í neðri deild Alþingis að þingflokkur Frjálslýndra hægrimanna gengi til liðs við þingflokk Sjálfstæðisflokksins.

<sup>8</sup> Sjá og *Morgunblaðið* 24. september 1983.

<sup>9</sup> *Morgunblaðið* 24. október 1984.

<sup>10</sup> Sjá grein Halldórs Blöndals alþingismanns í *DV* 1. desember 1987.

### 118. löggjafarþing, 1994–1995

[Jóhanna Sigurðardóttir](#) hafði verið í þingflokki Alþýðuflokksins frá því að hún var fyrst kjörin á þing í þingkosningunum 25. júní 1978 er hún sagði sig úr flokknum 16. september 1994. Jóhanna tilheyrði því ekki þingflokki Alþýðuflokksins þegar 118. löggjafarþing var sett, 1. október 1994 og var utan flokka allt það þing, sem var hið síðasta á kjörtímabilinu. Jóhanna hafði um þessar mundir forystu um stofnun Þjóðvaka – hreyfingar fólksins sem tók til starfa 27. nóvember 1994 og leiddi lista þess flokks í Reykjavíkurborgardæmi í alþingiskosningunum 8. apríl 1995. Þar eð brotthvarf Jóhönnu úr þingflokki Alþýðuflokksins bar að þegar Alþingi var ekki að störfum er þess ekki getið í *Alþingistíðindum* svo að séð verði. Jóhanna sat eftir þetta samfellt á þingi uns þingferli hennar lauk við lok 141. löggjafarþings 27. apríl 2013.

### 121. löggjafarþing, 1996–1997

[Rannveig Guðmundsdóttir](#) tilkynnti um samruna þingflokka Alþýðuflokksins og Þjóðvaka í nýjan þingflokk jafnaðarmanna á þingfundi 2. október 1996, sem var framhaldsþingsetningarfundur frá deginum áður. Í hinum nýja þingflokki voru 11 þingmenn sem kjörnir höfðu verið af A-lista Alþýðuflokksins og J-lista Þjóðvaka – hreyfingar fólksins, í þingkosningum 8. apríl 1995: [Ágúst Einarsson](#) (J), [Ásta R. Jóhannesdóttir](#) (J), [Gísli S. Einarsson](#) (A), [Guðmundur Árni Stefánsson](#) (A), [Jóhanna Sigurðardóttir](#) (J), [Jón Baldvin Hannibalsson](#) (A), [Lúdvík Bergvinsson](#) (A), [Rannveig Guðmundsdóttir](#) (A), [Sighvatur Björgvinsson](#) (A), [Svanfríður Jónasdóttir](#) (J) og [Össur Skarphéðinsson](#) (A).<sup>11</sup>

### 122. löggjafarþing, 1997–1998

[Kristín Ástgeirsdóttir](#) tilkynnti um úrsögn sína úr þingflokki Samtaka um kvennalista á þingfundi 20. nóvember 1997. Kristín var utan flokka frá því að hún gekk úr þingflokki Samtaka um kvennalista þar til hún gekk til liðs við þingflokk óháðra sem stofnaður var 16. september 1998 og tilkynnt var um er 123. löggjafarþing var sett 1. október 1998. Þingferli Kristínar lauk við slit 123. löggjafarþings, 8. maí 1999.

[Hjörleifur Guttormsson](#) tilkynnti á þingfundi 1. október 1998 um stofnun nýs þingflokks, þingflokks óháðra, sem átt hefði sér stað 16. september 1998 og sagði ákvörðunina byggjast á því að flokkarnir sem þingmennirnir í hinum nýja þingflokki tilheyrðu til þessa hefðu „horfið frá því að efna til framboðs í eigin nafni og á grundvelli eigin stefnu í komandi alþingiskosningum.“ Auk Hjörleifs urðu [Kristín Ástgeirsdóttir](#), [Steingrímur J. Sigfússon](#) og [Ögmundur Jónasson](#) liðsmenn þingflokks óháðra við stofnun hans.

### 123. löggjafarþing, 1998–1999

[Rannveig Guðmundsdóttir](#) tilkynnti um stofnun nýs þingflokks, þingflokks Samfylkingarinnar, á þingfundi 19. febrúar 1999 sem stofnaður hefði verið daginn áður. Í þingflokknum voru, auk Rannveigar: [Ágúst Einarsson](#), [Ásta Ragnheiður Jóhannesdóttir](#), [Bryndís Hlöðversdóttir](#), [Gísli S. Einarsson](#), [Guðmundur Árni Stefánsson](#), [Guðný Guðbjörnsdóttir](#), [Jóhanna Sigurðardóttir](#), [Lúdvík Bergvinsson](#), [Magnús Árni Magnússon](#), [Margrét Frimannsdóttir](#), [Ragnar Arnalds](#), [Sighvatur Björgvinsson](#), [Sigríður Jóhannesdóttir](#), [Svanfríður Jónasdóttir](#), [Svavar Gestsson](#) og [Össur Skarphéðinsson](#).

[Kristín Halldórsdóttir](#), þingmaður Samtaka um kvennalista, skýrði frá því á þingfundi 22. febrúar 1999 að hún hefði gengið til liðs við þingflokk óháðra. Tildrögin voru þau að á þingfundi 19. febrúar 1999 var greint frá því að daginn áður hefði þingflokkur nýrra stjórnmalasamtaka, Samfylkingarinnar, verið stofnaður og í hann gekk [Guðný Guðbjörnsdóttir](#), ein þriggja þingmanna sem höfðu verið kjörnir á þing af lista Samtaka um kvennalista í þingkosningum 8. apríl 1995. [Kristín Ástgeirsdóttir](#) kvennalistakona hafði þegar gengið í þingflokk óháðra. Eftir að Kristín Halldórsdóttir var orðin ein eftir í þingflokki Samtaka um kvennalista heimiluðu þingsköp Alþingis ekki að hann yrði starfræktur áfram. Þingsetu Kristínar Halldórsdóttur lauk er 123. löggjafarþingi var frestað 8. maí 1999.

[Kristinn H. Gunnarsson](#) tilkynnti um úrsögn sína úr þingflokki Alþýðubandalagsins og óháðra á þingfundi 14. október 1998 og var utan flokka til 7. desember 1998 en þá greindi forseti Alþingis frá inngöngu Kristins í

---

<sup>11</sup> Í fréttaviðtali í *Degi* 28. janúar 1998 við Jóhönnu Sigurðardóttur formann Þjóðvaka lýsti hún þingflokki jafnaðarmanna svo: „Innan þingflokks jafnaðarmanna eru Þjóðvaki og Alþýðuflokkurinn tvær sjálfstæðar stjórnmalahreyfingar með sitt hvort skipulagið.“ Samkvæmt fregn á [mbl.is](#) 26. nóvember 1997 hafði verið afráðið á aðalfundi Þjóðvaka 24. nóvember að flokkurinn byði ekki fram lista við næstu þingkosningar. Ágúst Einarsson lýsti því þá yfir að hann gengi til liðs við Alþýðuflokkinn og fram kemur á [vef Alþingis](#) að það gerðu tveir aðrir þingmenn flokksins einnig á kjörtímabilinu. Þjóðvaki rann inn í Samfylkinguna árið 2000.

þingflokk Framsóknarflokksins. Kristinn sat á þingi samfleytt eftir þetta til loka 136. löggjafarþings 25. apríl 2009 sem liðsmaður Framsóknarflokksins, Frjálslynda flokksins og einnig utan flokka.

### **128. löggjafarþing, 2002–2003**

[Kristján Pálsson](#) sagði sig úr þingflokki Sjálfstæðisflokksins með bréfi dagsettu 3. mars 2003 sem forseti Alþingis las upp á þingfundi sama dag. Hann var síðan utan flokka til loka þingferils síns er 128. löggjafarþingi var frestað 10. maí 2003.

### **131. löggjafarþing, 2004–2005**

[Gunnar Örlygsson](#) sagði sig úr þingflokki Frjálslynda flokksins með ræðu á þingfundi 11. maí 2005. Á sama þingfundi greindi þingflokksformaður Sjálfstæðisflokksins frá því að beiðni Gunnars um inngöngu í þingflokk Sjálfstæðisflokksins hefði verið samþykkt fyrr um daginn. Gunnar var liðsmaður þingflokks Sjálfstæðisflokksins þar til þingsetu hans lauk við lok 133. löggjafarþings 11. maí 2007.

### **133. löggjafarþing, 2006–2007**

[Valdimar L. Friðriksson](#) sagði sig úr þingflokki Samfylkingarinnar með bréfi dagsettu 19. nóvember 2006 sem forseti Alþingis las upp á þingfundi 20. nóvember. Valdimar var utan flokka þar til forseti Alþingis las upp á þingfundi 22. janúar 2007 bréf þess efnis að hann væri genginn í þingflokk Frjálslynda flokksins.

[Kristinn H. Gunnarsson](#) sagði sig úr þingflokki framsóknarmanna með bréfi sem forseti Alþingis las upp á þingfundi 12. febrúar 2007. Á þingfundi 19. febrúar 2007 las forseti Alþingis upp bréf Kristins þess efnis að hann hefði þann sama dag gengið í þingflokk Frjálslynda flokksins.

### **136. löggjafarþing, 2008–2009**

[Jón Magnússon](#) skýrði frá því á þingfundi 9. febrúar 2009 að hann hefði sagt sig úr þingflokki Frjálslynda flokksins og úr Frjálslynda flokknum og myndi starfa sem þingmaður utan flokka. Á þingfundi 19. febrúar 2009 greindi forseti Alþingis frá því að borist hefði bréf frá Jóni þess efnis að hann hefði gengið í þingflokk Sjálfstæðisflokksins. Þingferli Jóns lauk er 136. löggjafarþingi var frestað 25. apríl 2009.

[Kristinn H. Gunnarsson](#) sagði sig úr þingflokki Frjálslynda flokksins með bréfi dagsettu 25. febrúar 2009 sem forseti las á þingfundi 26. febrúar 2009. Kristinn var utan flokka eftir þetta þar til þingferli hans lauk er 136. löggjafarþingi var frestað 25. apríl 2009.

[Karl V. Matthíasson](#) tilkynnti á þingfundi 13. mars 2009 að hann hefði sagt skilið við þingflokk Samfylkingarinnar og gengið í þingflokk Frjálslynda flokksins. Karl var liðsmaður þingflokks Frjálslynda flokksins þar til þingsetu hans lauk er 136. löggjafarþingi var frestað 25. apríl 2009.

### **137. löggjafarþing, 2009**

[Þráinn Bertelsson](#) sagði sig úr þingflokki Borgarahreyfingarinnar og lýsti því yfir að hann myndi starfa sem óháður þingmaður með bréfi sem forseti Alþingis las upp á þingfundi 17. ágúst 2009. Hinn 8. september 2010, á 138. löggjafarþingi, las forseti bréf formanns þingflokks Vinstrihreyfingarinnar – græns framboðs um að þingflokkurinn hefði þann sama dag fallist á inngöngu Þráins. Þráinn var liðsmaður þingflokks Vinstrihreyfingarinnar – græns framboðs þar til þingferli hans lauk við lok kjörtímabilsins 27. apríl 2013.

### **138. löggjafarþing, 2009–2010**

[Birgitta Jónsdóttir](#), [Margrét Tryggvadóttir](#) og [Þór Saari](#), sem kjörin voru til þingsetu af framboðslistum Borgarahreyfingarinnar í alþingiskosningum 25. apríl 2009, tilkynntu um inngöngu sína í nýstofnaðan [þingflokk Hreyfingarinnar](#) með bréfi til forseta Alþingis á þingsetningardeg, 1. október 2009, og skýrði forseti frá þessum tíðindum á þingfundi sama dag. Voru þá allir þingmenn á braut úr [þingflokki Borgarahreyfingarinnar](#) og hann var ekki starfræktur eftir þetta. Þremmingarnir skipuðu þingflokk Hreyfingarinnar til loka kjörtímabilsins 27. apríl 2013.

### **139. löggjafarþing, 2010–2011**

[Atli Gíslason](#) sagði sig úr þingflokki Vinstrihreyfingarinnar – græns framboðs 21. mars 2011 og greindi frá því að hann myndi starfa sem óháður þingmaður. Forseti Alþingis tilkynnti um úrsögnina á þingfundi sama dag. Atli var utan flokka eftir þetta þingsetu hans lauk við frestun 141. löggjafarþings 27. apríl 2013.



[Lilja Mósesdóttir](#) sagði sig úr þingflokki Vinstrihreyfingarinnar – græns framboðs 21. mars 2011 og upplýsti að hún myndi starfa sem óháður þingmaður. Forseti Alþingis tilkynnti um úrsögnina á þingfundi sama dag. Lilja var utan flokka eftir þetta allt þar til þingsetu hennar lauk við frestun 141. löggjafarþings 27. apríl 2013.

[Ásmundur Einar Daðason](#) sagði sig úr þingflokki Vinstrihreyfingarinnar – græns framboðs 14. apríl 2011 og kvaðst ætla að starfa sem óháður þingmaður. Forseti Alþingis greindi frá þessu á þingfundi sama dag. Ásmundur Einar gekk í þingflokk Framsóknarflokksins 1. júní 2011 og las forseti Alþingis tilkynningu þess efnis á þingfundi þann sama dag. Ásmundur Einar hefur síðan verið liðsmaður Framsóknarflokksins, þingmaður og ráðherra.

[Guðmundur Steingrímsson](#) sagði sig úr þingflokki framsóknarmanna með bréfi dagsettu 26. ágúst 2011 og greindi frá því að hann myndi starfa sem þingmaður utan flokka. Forseti las tilkynningu þessa efnis á þingfundi 2. september 2011. Guðmundur var utan flokka til loka 141. löggjafarþings 27. apríl 2013. Hann var kjörinn á þing í alþingiskosningum 27. apríl 2013 fyrir Bjarta framtíð sem stofnuð var 4. febrúar 2012.

#### **141. löggjafarþing, 2012–2013**

[Róbert Marshall](#) skýrði frá því á þingfundi 11. október 2012 að hann hefði sagt sig úr þingflokki Samfylkingarinnar þann sama dag og gengið til liðs við Bjarta framtíð. Björt framtíð hafði þá engan þingflokk og var Róbert utan flokka til loka 141. löggjafarþings 27. apríl 2013. Hann var kjörinn á þing í alþingiskosningum 27. apríl 2013 fyrir Bjarta framtíð.

[Jón Bjarnason](#) sagði sig úr þingflokki Vinstrihreyfingarinnar – græns framboðs með bréfi dagsettu 23. janúar 2013 og kvaðst ætla að starfa utan flokka. Forseti Alþingis tilkynnti þetta á þingfundi sama dag. Jón var utan flokka það sem eftir var af 141. löggjafarþingi en þingferli hans lauk við frestun þess 28. mars 2013.

#### **149. löggjafarþing, 2018–2019**

[Karl Gauti Hjaltason](#) og [Ólafur Ísleifsson](#), sem kjörnir voru til þingstarfa af framboðslistum Flokks fólksins í þingkosningum 28. október 2017, lýstu því yfir í sameiginlegu bréfi til forseta Alþingis, sem forseti las upp á þingfundi 3. desember 2018, að þeir myndu starfa á Alþingi sem þingmenn utan flokka og hafa með sér samstarf. Á þingfundi 26. febrúar 2019 greindi forseti Alþingis frá því að borist hefði bréf frá Karli Gauta Hjaltasyni og Ólafi Ísleifssyni, dagsett 25. febrúar 2019, þess efnis að þeir hefðu gengið til liðs við þingflokk Miðflokksins.

#### **150. löggjafarþing, 2019–2020**

[Andrés Ingi Jónsson](#) sagði sig úr þingflokki Vinstrihreyfingarinnar – græns framboðs með bréfi dagsettu 27. nóvember 2019 og lýsti því jafnframt yfir að hann myndi starfa sem þingmaður utan flokka. Forseti Alþingis tilkynnti um þetta á þingfundi sama dag. Hinn 11. febrúar 2021, á 151. löggjafarþingi, greindi forseti Alþingis frá því á þingfundi að borist hefði tilkynning frá Andrési Inga, dagsett sama dag, um að hann væri genginn til liðs við þingflokk Pírata. Andrés Ingi var kjörinn til þingsetu af framboðslista Pírata í Reykjavíkurborgardæmi norður í þingkosningunum 25. september 2021.

#### **151. löggjafarþing, 2020–2021**

[Rósa Björk Brynjólfssdóttir](#) gekk úr þingflokki Vinstrihreyfingarinnar – græns framboðs 17. september 2020. Forseti Alþingis las upp tilkynningu þessa efnis á þingfundi 1. október 2020 þar sem jafnframt kom fram að Rósa Björk hygðist starfa utan þingflokka. Hinn 16. desember 2020 tilkynnti forseti Alþingis að Rósa Björk hefði skýrt frá því með bréfi dagsettu þann sama dag að hún gengi til liðs við þingflokk Samfylkingarinnar frá og með þeim degi.

#### **152. löggjafarþing, 2021–2022**

[Birgir Þórarinnsson](#), sem kjörinn var til þingsetu af framboðslista Miðflokksins í alþingiskosningum 25. september 2021, gekk til liðs við þingflokk Sjálfstæðisflokksins áður en 152. þing var sett. Fjölmiðlar greindu frá vistaskiptum Birgis laugardaginn 9. október 2021, sjá t.d. frétt [vefmiðilsins mbl.is](#) um málið. Á þingsetningarfundum, 23. nóvember 2021, las aldursforseti bréf Birgis um að hann hefði sagt sig úr Miðflokknum 8. október 2021 og gengið í þingflokk Sjálfstæðisflokksins.

Kristján Sveinsson (kristjans@althingi.is) setti saman með aðstoð Viggós Gíslasonar.